

 Mješoviti Holding „ERS“ MP a.d. Trebinje ZP "Hidroelektrane na Drini" a.d Višegrad	<b>O d l u k a</b>	
	<b>U p r a v e</b>	

## **UPRAVA PREDUZEĆA**

**Broj: UP-57-03/18**

**Datum: 11.12.2018. godine**

Na osnovu člana 100. stav (1) i (5) i člana 110. Zakona o javnim nabavkama BiH („Službeni glasnik BiH“, broj: 39/14), člana 96. stav (6) Pravilnika o javnim nabavkama Preduzeća, broj: UP-09-06/16 od 16.03.2016. godine, te člana 57. Statuta Mješovitog Holdinga „ERS“ a.d. Trebinje - ZP „Hidroelektrane na Drini“ a.d. Višegrad, broj: SA-16-03/12 od 29.06.2012. godine, broj: SA-11-05/13 od 15.02.2013. godine i broj: SA-18-08/14 od 13.06.2014. godine, rješavajući po Žalbi ponuđača „Proces Projekt Inženjering“ d.o.o. Beograd, broj: 91/18 od 07.12.2018. godine, zastupanom putem Advokatske kancelarije Vladimir R. Matić iz Beograda, ul. 11. Krajske divizije 52 D, izjavljenoj na Tendersku dokumentaciju, broj: T-37-O/18 u postupku javne nabavke roba: „Rekonstrukcija i modernizacija nadzorno upravljačkog sistema SCADA“, a postupajući po Izjašnjenju po predmetnoj Žalbi dostavljenom od Službe za komercijalne poslove Društva, broj: 04-02-1465-3-1/18 od 10.12.2018. godine, Uprava Društva je na pedesetsedmoj sjednici, održanoj dana 11.12.2018. godine, donijela

## **O D L U K U**

### **o obustavi postupka javne nabavke**

#### Član 1.

Obustavlja se postupak javne nabavke roba – „Rekonstrukcija i modernizacija nadzorno upravljačkog sistema SCADA“ i preduzimanje narednih radnji se odlaže do donošenja Odluke/Rješenja Kancelarije za razmatranje žalbi, a po Žalbi kandidata „Proces Projekt Inženjering“ d.o.o. Beograd, broj: 91/18 od 07.12.2018. godine.

#### Član 2.

Na osnovu Izjašnjenja Službe za komercijalne poslove Društva, broj: 04-02-1465-3-1/18 od 10.12.2018. godine, u postupku javne nabavke roba – „Rekonstrukcija i modernizacija nadzorno upravljačkog sistema SCADA“, po Žalbi iz člana 1. ove Odluke, Uprava Društva je utvrdila da je žalba blagovremena, dopuštena i izjavljena od strane ovlaštenog lica, ali da je ista neosnovana.


Ova Odluka, sa Žalbom, Izjašnjenjem na navode žalbe i kompletnom dokumentacijom vezanom za postupak predmetne javne nabavke, prosljeđuje se Kancelariji za razmatranje žalbi na dalji postupak radi donošenja konačne odluke.

#### Član 3.

Ova Odluka stupa na snagu danom donošenja i primjenjuje se do okončanja žalbenog postupka pokrenutog po Žalbi kandidata „Proces Projekt Inženjering“ d.o.o. Beograd, te će se ista objaviti na web stranici Ugovornog organa.

U skladu sa Odlukom/Rješenjem po izjavljenoj žalbi, Ugovorni organ će o nastavku postupka javne nabavke obavijestiti sve učesnike u postupku.

Prilog ovoj Odluci čini Izjašnjenje Službe za komercijalne poslove Društva, broj: 04-02-1465-3-1/18 od 10.12.2018. godine.

	Mješoviti Holding „ERS“ MP a.d. Trebinje ZP „Hidroelektrane na Drini“ a.d Višegrad	<b>Odluka Uprave</b>	
---	---	--------------------------	--

## OBRAZLOŽENJE

Ugovorni organ, Mješoviti Holding „ERS“ MP a.d. Trebinje - ZP „Hidroelektrane na Drini“ a.d. Višegrad, je objavio Obavještenje o nabavci, broj: 1171-1-1-417-3-64/18, na Portalu javnih nabavki Bosne i Hercegovine, kao i na svojoj web stranici, dana 15.11.2018. godine, u postupku javne nabavke roba – „Rekonstrukcija i modernizacija nadzorno upravljačkog sistema SCADA“.

Procijenjena vrijednost javne nabavke bez PDV-a je 400.000,00 KM, nabavka se provodi putem otvorenog postupka, a kriterijum za dodjelu ugovora je najniža cijena.

U toku postupka javne nabavke roba – „Rekonstrukcija i modernizacija nadzorno upravljačkog sistema SCADA“, od ponuđača „Proces Projekt Inženjering“ d.o.o. Beograd je zaprimljena žalba, broj: 91/18 od 07.12.2018. godine, izjavljena na Tendersku dokumentaciju, broj: T-37-O/18, kojom se osporava zakonitost dijela Tenderske dokumentacije, tačnije da ista nije u skladu sa Zakonom o javnim nabavkama Bosne i Hercegovine, uz navođenje žalbenih navoda.

Nakon razmatranja žalbe, Služba za komercijalne poslove je Upravi Društva podnijela Izjašnjenje po žalbi kandidata/ponuđača, broj: 04-02-1465-3-1/18 od 10.12.2018. godine, sa obrazloženjima osnovanosti, odnosno neosnovanosti žalbenih navoda.

Postupajući po žalbi ponuđača „Proces Projekt Inženjering“ d.o.o. Beograd, izjavljenoj na Tendersku dokumentaciju, broj: T-37-O/18 u postupku javne nabavke roba: „Rekonstrukcija i modernizacija nadzorno upravljačkog sistema SCADA“, razmotreni su svi navodi iz žalbe, izvršen je uvid u kompletnu Tendersku dokumentaciju i Obavještenje o nabavci, te je izvršena analiza svakog zahtjeva i dokaza pojedinačno i u njihovoj međusobnoj vezi, a sve u odnosu na navode iz žalbe i propisani zakonski postupak, te je utvrđeno da su žalbeni navodi neosnovani i da se, u skladu sa članom 100. stav (5) ZJN BiH, žalba i cjelokupna dokumentacija prosljedi Kancelariji za razmatranje žalbi, te da se postupak nabavke obustavi do konačne odluke Kancelarije.

U skladu sa gore navedenim, primjenom člana 100. stav (5) i člana 110. Zakona o javnim nabavkama BiH („Službeni Glasnik BiH“, broj: 39/14), te člana 57. Statuta zavisnog preduzeća, odlučeno je kao u dispozitivu.

  
Direktor,  
Nedeljko Perišić, dipl. ek.

**Dostaviti:**

- Upravi,
- Ponuđačima x23,
- Podnosiocu žalbe,
- Službi za komercijalne poslove x2,
- Kancelariji za razmatranje žalbi i
- Arhivi.